

ex Lacu *Eaugh* se in Oceanum duplici ostio transfundit, Salmonibus totius Europæ longe fecundissimus, eo quod ut nonnulli existimant, sit omnium fluviorum limpidissimus, cuiusmodi aquis Salmones unice delectantur. Est & *Logia* flu. cuius meminit Ptolemæus, qui nunc *Lough Foile* paulo superius spatioso ostio in mare prorumpit: & alii. Terra insuper in manibus Sylvis umbrosa. *Darni* ultra Voluntios confederunt, ubi nunc *Claneboy*, *Royte*, *Glynnes*, *Krine*, omnemque tractum maritimum usque ad *Loghfoyle* tenuerunt. *Claneboy* lingua Hibernica *Gens flava*, O-Nealorum fuit possessio, & nequissimi illius rebellis Ioannis O-Neali fato nota, qui inter pocula hica Scoto-Hibernis ex Hebridibus fuit interfectus: post cuius obitum hunc agrum Gualtero D'Essexiæ Comiti concessit Regina Elizabetha. *Royte* sedes erat *Mac-Guillinorum*, non obscuræ in hac ora familiæ. *Glynnes*, id est, *Conuallis*, ad Barones Bissetos quondam spectavit, qui cum Patricium Atholiæ Comitem ob privatas similitudines sustulissent ex Scotia huc exultatum venerunt, ac suæ gentis familiam illustrem reliquerunt. Supra has *Glynnes*, ex adverso Insulæ quam Ptolemæus *Rioneam*, Angli *Rachynes* vocant, *Krine* sita est *O Cabani* regiuncula quam Banna interluit, & *Logia* nunc *Lough Foile*. Ad quod flumen non obscura supersunt nominis Darniorum vestigia in lacu *Der*. *Robogdii* supra Logiam locati omne Septemtrionale illud Hiberniæ littus tenuerunt, ubi *O Dongherty*, obscurioris notæ *Regulus* multum valet. Inter hos *Rabogh* viculus Episcopalis antiqui *Robogdiorum* nominis expressa retinet vestigia; sed quodnam sit *Robogdium* promontorium, nisi sit *Faire Foreland*, plane se nescire inquit Cadenus. Ab hoc scopuloso tractu extrema reflectuntur littora per *Sovilly* Lacus ostium, qui Ptolemæo *Argia* dici videtur, Ulterius magis ad Occalû *Vennicni* egerunt in *Tirconell*, ubi *Mac Ruvyny Fayd*, *Mac Ruvyny Neroeth*, & *Mac Ruvyny Bannigh* plurimum possident. *Vidnam* flumē quod nunc *Chrodagh*, & *Vennicnium* Promontorium quod nunc *Rames head*, & *Boreum* promontorium, quod nunc *S. Helens head* inter hos statuit Ptolemæus. A Boreo promontorio unde retrahuntur in Meridiem littora, ubi nunc *O Donel*, *O Bail*, & *Mac Guir* magni nominis *Reguli* habitant, confederunt olim *Erdini*. Hic est *Erno* Lacus de quo in generali descriptione diximus, & alter xv ab hoc milliaribus ad Arctum distans, in quo Insula eminet, & in ea ad monasteriolum specus obversantium nescio quorum spectrorum terrore, & horrendis visis decantatus. Incolis hodie *Ellanu' Frugadory*: id est, Insula Purgatorii, & Patricii Purgatorium nominatur. Patricium enim Hibernorum Apostolum a Deo ardentissimis precibus impetrasse creduli affirmant, ut poenæ, & cruciatus qui impios post hanc vitam manent, ob oculos hic proponerentur, ut insita suis Hibernis peccata, & gentilium errores facilius extirparet. Cæterum cū *Reglis* hic locus in Patricii vita nominetur, *Regiam* alteram fuisse quam Ptolemæus memorat, existimat Camdenus, cui suffragatur apud Geographum situs. Præter hoc Patricii, etiam aliud in hac Insula Brendani Purgatorium fuisse perhibent. Hi sunt antiqui *Ultoniæ* Incolæ, quibus tandem permisti Scoti, hinc Scotorum nomen in Borealem Britannicæ plagam transvexerunt. Archiepiscopus unus in *Ultonia*, qui sedem suam habet *Armachia*. Hos habet Suffraganeos Episcopos, *Maeth* & *Deren*, *Ardach* forte *Apde*: *Kilmore*, *Clogher*: *Donne*, *Coner*: *Kloncknos*, *Raboo*, forte *Rapo*: *Drommoore*. Regio hæc ut sine subactione inhorrescit, ita Incolarum ingenia sine humaniori cultura maxime efferantur.